

D. M. S.
 SIGISMUNDO LIBERO BARONI IN
 HERBERSTAIN, NEIPERG ET GVETENHAG, VIR-
 TVTIS AC MERITORVM ERGO IMMV-
 NITATE DONATO, P. P.



*T*ALA me primò tellus sub flore iuuenta,
 Aurata patrie donatum torque remisit.
 Maximus Aem. i. ius Cæsar, uirtute, fideq;
 Fortè mea adductus, Patrum me protinus Aula,
 Consilio adscripsit. requies hinc nulla laborum
 Facta mihi: magnis de rebus iussa peregi.
 Fœderibus iunxi reges, pacisq; tuende
 Accendi studio, latè qua Rhenus inundat,
 Danubiusq; patet, uagus Albis, & Istula, quaq;
 Dura Borysthenides colit impiger arua colonus,
 Et gelido manat Tanais de fonte niuosus,
 Rha leni placidas quaq; agmine lambit arenas,
 Nauigijs penetrans lustrauit cæca Rubonis,
 Crononisq; fluenta: & inhospita Tesqua peragrans;
 Legatus mandata tuli, Regumq; superbas
 Accessi sedes: gemino subiecta Trioni
 Balthea tranauit freta, magni Regia nostra
 Danorum domini letata salutis honore.
 Queis gestis rebus, me Cymbrica Chersonesus
 Excipit, & patrie reddit, charisq; propinquis.
 Post ubi mortalis defuncto munere uite,
 Carolus acer auo successerat, hunc quoq; dulcis
 Impulsus patrie precibus, de more salutans,
 Indomitos adij populos & ditia regna
 Hesperie. reducem dein Ferdinandus ab Aula
 Consilijs statuit: latè quo Regna tenente,
 Arctoos iterum reges, populosq; reuusi.
 Hinc mihi pro meritis, serisq; nepotibus auctum
 Libertate decus, quod nulla aboluerit ætas.
 At postquam inuasit Solymanus mœnia Bude,
 Accensum furijs, uim perniciemq; minantem
 Pannoniæ, Orator compressi, dira q; retrò
 A nostris suasi iugulis auertere tela.
 His nunc defunctus curis, post fata quiete
 Sopitus placida, iusti dum buccina sonum
 Iudicis excutiat, dormiscam Viue uiator;
 Exemploq; meo patrie seruire memeno.



On moror hanc Christ^o repetenti reddere uitam.
Et uixisse mihi satis, & uidisse superq^{ue} est
Tot maria & montes, tot flumina, totq^{ue} paludes,
Tot reges, dominosq^{ue} orbis, tot regna, tot urbes.

Nam mare conscendi, supra, quodq^{ue} alluit infra
Italiam, remis hinc prateruectus, & illinc.
Baliheaq^{ue} emensus freta, mox Balearica soluens,
Sardinia ingredior, gelidiq^{ue} Borysthenis oras,
Rhaq^{ue} cauas tacito stringentem flumine ripas.
Traieci: Tanaisq^{ue} supra caput osq^{ue} niuosi,
Nusquam Rhiphaeos didici consistere montes.
Iamq^{ue} Albim & Rhenum, fluuiumq^{ue} binominis Istri
Nauigijs superans, Legati munus obiui:
Atq^{ue} Sigismundum moderantem iure Polonos,
Lituaniaq^{ue} ducem, mos est quem dicere Magnum,
Sape salutavi uerbis & nomine regis
Ferdnandi: & toto diuisos orbe Mosynos
Non semel atq^{ue} iterum magnis de rebus adiui,
Moscouiaq^{ue} Ducem magnum sum affatus in urbe
Uuasilium: hinc Danis, Noruegis, atq^{ue} Suedis
Imperitantem adij Christernum, non satis equo
Disidio sancti turbantem fœdera lecti,
Liberius monui infami desistere cœpto:
Hæc mandata ferens à Casare Maxmiliano,
Ipsam etiam Hungariae regem, dominumq^{ue} Bobæmis
Luduicum accessi, Regno, & florentibus annis.

Iam uerò multis locuples Hispania regnis
Cognita, & Hispanis non cedens Belgica regnis,
Carolo ubi Austriacam regionem, nomine Quinto,
Ceui patris orbatam interitu commendo pupillam.
Præterea Decimum Romana in sede Leonem
Conspexi: Veneti dux Lauredane Senatus
Cognite porrò mihi es, notiq^{ue} fuisse Dynastæ
Imperij plures, quos hic numerare molestum est.
Ecce autem Hungaricis ubi rursus imminet oris,
Et nostros misera Solymanus clade peremit,
Nequicquam longa Budam obsidione prementes,
Ipsius horrida subnixi sede tyranni,
Altius erectæ fixi stans oscula dextræ,
Quam prona in terra melior pars orbis adorat:
Principis inde mei gnatham deduco Polonos
Reginam in Regis thalamos: belliq^{ue} togæq^{ue}
Expertus casus uarios hæc inter, & olim

Aluina

*Militiæ emeritus ueterana stipendia, iuui
 Consilio interea innocui compendia Fisci.
 Linguarumq; potens, in iura ac fœdera fidum
 Præsto ministerium, studioq; senesco laborum,
 Publica priuatis præponens commoda lucris:
 Respondente tamen fidei sorte, atque fauore
 Austriadum regum, domui rem linquo, decusq;
 Et prisca generis stemma haud inglorius orno.
 Vitæ igitur plenus, quam sum mihi conscius actam
 Gnauius in uitæ officijs, sine labe, notaq;
 E magno ueluti satur expletusq; teatro,
 Cedo lubens, & nostra do lampada gesta sequenti.*

IOANNES EVDVICVS
 Bratsicanus.

NULLAM VIRTUS ALIAM MERCEDEM LABORVM
 periculorumq; desiderat, præter hanc laudis & gloriæ: qua quidem de-
 tracta, quid est, quod in hoc tam exiguo uitæ curriculo, tam breui, tantis
 nos in laboribus exerceamus? CICERO.

*Tydidem socium coniungit Homerus Ulyxi:
 Nempe manum menti, nempe animum gladio.
 Aurea nobilitas nitidum tibi porrigit ensem,
 Doctrina at certam monstrat ubiq; uiam.*

IOANNES ALEXANDER
 Bratsicanus.

*Quos adij populos, quæ regna potentia uidi,
 Exposui lustranda oculis. Non iudicis æqui
 Examen metuo, moueor nec bile maligni:
 Robore uera suo stant inconuulsa, uigentq;.*

IOANNES ROSINVS.

*Sigismundum uarias mundi rapuere per oras,
 Terra, rates, undæ, nix, traha, currus, equi.*

GEORG. LOGVS.

*Occasus, mediusq; dies, septentrio & ortus,
 Perlustrata fero, rate sunt, rhedaq; rotaq;
 Sigismunde tibi, Orator dum publica regum
 Magnorum exequeris totum mandata per orbem.*

IOAN. LVD. BRASSIË.

*Sic uehor, ampla gerens regum mandata meorum,
 Ad Danos, Moscos, Pannonas, Hesperios.*

GEORG. VERNERS.

EHNRICVS GLAREANVS P. L. ANNOTATIONI-
bus in Q. Curtium, ubi de duplici Scythia, Herodoto dicta,
Ptolemæo uero Sarmatia, in hæc uerba
differit.

De quibus regionibus nostra etate inçlytus ille uir D. Sigismundus in Herberstein,
Neiperg & Guottenhag Baro, inuictissimi Cesaris Ferdinandi Consiliarius, fisci in Au-
stria præfectus, duo iusta uolumina edidit, plena omnis eruditionis, dignissimum opus
lectu, quod omnes qui Geographica amant, amplectantur, multum lucis accepturi, pluri-
morum cum in Latinis, tum in Græcis authoribus locorum, antea à nemine rectè tradi-
torum. Oculatus hic testis, non auritus tantum hæc scriptis prodidit, certa, non uana re-
latione: quippe missus Legatus à duobus Imperatoribus, diuo Maximiliano, ac Carolo
quinto, ipsoq; Cesare Ferdinando, ad magnum illum ducem Moschouia. Hæc ego, optimè
lector, haud ullo zelo motus, quàm ingenti ueritatis amore, de illo generoso uiro scribo.
neque enim eum unquam uidi: sed eius opera tanto ardore, tanta animi mei admiratio-
ne legi, ut multis annis nil æquè lubenter. Et confiteor, me multum inde fructus hausisse:
quando ex ijs planè uideam, ueteres de his rebus ita cecutisse, ut Cimme-
rias tenebras nobis offudisse, meritò uideri queant.

Russorum

*Rufforum Rex & Dominus sum, iure paterni
Sanguinis: imperij titulos à nemine, quavis
Mercatus prece, uel precio: nec legibus ullis
Subditus alterius, sed Christo credulus uni,
Emendatos alys aspernor honores.*

